



Polisi Amseroedd Ysgol

Dyddiad adolygu a mabwysiadu:

Date reviewed and adopted: **07.10.2025**

Dyddiad yr adolygiad nesaf: **Hydref 2026**

Date of next review: **Autumn 2026**

Llofnod Cadeirydd y Llywodraethwyr:

A handwritten signature in black ink, appearing to be 'JGD', is written over a faint horizontal line.

Signature of chair of governors:

Mae Confensiwn y Cenhedloedd Unedig ar Hawliau'r Plentyn (CRC) yn ganolog i gynlluniau, polisiau, arfer ac ethos ein hysgol. Fel Ysgol sy'n Parchu Hawliau rydym yn addysgu am hawliau plant a hefyd yn modelu hawliau a pharch ym mhob perthynas.

Polisi Amseroedd Ysgol

Amseroedd Sesiynau Ysgol

“Mae Rheoliadau Addysg (Diwrnod Ysgol a Blwyddyn Ysgol) (Cymru) 2003 yn berthnasol i ysgolion a gynhelir gan ALLau ac i ysgolion arbennig (boed yn rhai a gynhelir ai peidio). Maent yn gwneud darpariaethau (ymysg pethau eraill) ar gyfer diwrnod ysgol a fydd fel arfer yn cael ei rannu i ddwy sesiwn (gydag egwyl yn y canol), ac ar gyfer ysgolion (ac eithrio ysgolion meithrin) i gyfarfod am o leiaf 380 sesiwn, sy'n gyfwerth â 190 diwrnod, yn ystod unrhyw flwyddyn ysgol.” Y flwyddyn Ysgol ac amserau sesiynau.

Mae'r amodau a thelerau safonol ar gyfer athrawon yn darparu ar gyfer 195 diwrnod gwaith, ac mae 190 o'r rhain yn ddiwrnodau addysgu. Mae'n ofynnol i'r 5 diwrnod dros ben fod ar gael ar gyfer dyletswyddau eraill, fel hyfforddiant.

Er mwyn llywio penderfyniadau dilynol ynglŷn â threfniant y cwricwlwm mae Ysgol Gymraeg Bryniago wedi dadansoddi yr amser sydd ar gael bob wythnos, tymor a blwyddyn. Mae hyn yn helpu cynllunio a trefnu ein gwaith yn effeithiol ynghyd â chytuno ar flaenoriaethau ar gyfer defnyddio amser addysgu.

Amser Addysgu Ysgol Gymraeg Bryniago:

	Meithrin Bore	Meithrin Prynawn	Derbyn, Blwyddyn 1 a Blwyddyn 2	Canolfan Iago	Blwyddyn 3-Blwyddyn 6
Sesiynau yn ystod y diwrnod	8:50 – 11.20 (Sesiwn Bore)	12:50-15:20 (Sesiwn prynawn)	Sesiwn 1: 8:50 – 10.15 Sesiwn 2: 10.30 – 11:35 Sesiwn 3: 12:50 – 2.10 Sesiwn 4: 2.20 – 3.20	Sesiwn 1: 09:00 – 10.15 Sesiwn 2: 10.30 – 11:35 Sesiwn 3: 12:50 – 2.00 Sesiwn 4: 2.00 – 3.00	Sesiwn 1: 8:50 – 10.15 Sesiwn 2: 10.30 – 11:50 Sesiwn 3: 12:50 – 2.00 Sesiwn 4: 2.00 – 3.20
Cyfanswm amser sesiwn bob dydd	2awr 30 mun	2awr 30 mun	Sesiwn 1: 1 awr 25	Sesiwn 1: 1 awr 15	Sesiwn 1: 1 awr 25

			munud Sesiwn 2: 1 awr 5 munud Sesiwn 3: 1 awr 20 munud Sesiwn 4: 1 awr	munud Sesiwn 2: 1 awr 5 munud Sesiwn 3: 1 awr 10 munud Sesiwn 4: 1 awr	munud Sesiwn 2: 1 awr 20 munud Sesiwn 3: 1 awr 10 munud Sesiwn 4: 1 awr 20 munud
Cyfanswm amser sesiwn bob wythnos	12 awr a 30 munud	12 awr a 30 munud	24 awr a 10 munud	22 awr a 30 munud	26 awr 15 munud
Amser bob wythnos ar gyfer cofrestru a chydaddoli	50 munud		2 awr 30 munud	1 awr 30 munud	2 awr 30 munud

Er mwyn cynnal ansawdd cyson ar draws pob un o bynciau'r cwricwlwm a sicrhau cydbwysedd yn y cwricwlwm mae Ysgol Gymraeg Bryniago yn sicrhau y dyrennir digon o amser i bob agwedd o'r cwricwlwm er mwyn cwrdd â gofion statudol ac adlewyrchu ein hanghenion a'n blaenoriaethau ein hunain.

Gweithdrefn ar gyfer Newid Amserau Sesiynau Ysgolion gan ALI

Mae'r rheoliadau newydd yn cyflwyno gweithdrefnau i gael eu dilyn gan ALI, pan fo'n ystyried bod angen newid amserau sesiynau ar gyfer dechrau neu ddiwedd diwrnod ysgol mewn unrhyw ysgol a gynhelir, fel yr amlinellir ym mharagraff 8 uchod. Os bydd ALI am roi rhybudd i gorff llywodraethu ysgol i ddiwygio amserau sesiynau'r ysgol fel yr amlinellir ym mharagraff 11 uchod, mae'n rhaid iddo:

- a. ymgynghori â'r corff llywodraethu, y pennaeth a holl staff yr ysgol;
- b. paratoi datganiad yn:
 - i. nodi ei fod yn cynnig newid amserau sesiynau'r ysgol;
 - ii. nodi'r newid arfaethedig a phryd y mae'n cynnig y dylai ddod i rym;

iii. rhoi manylion y dyddiad, amser a lle y cynhelir y cyfarfod ac egluro y gall y rhai hynny nad ydynt yn gallu mynychu'r cyfarfod gyflwyno sylwadau ysgrifenedig ar y newid arfaethedig cyn cynnal y cyfarfod;

c. llunio'r datganiad hwnnw ac unrhyw atodiad mewn iaith neu ieithoedd (yn ogystal â Chymraeg neu Saesneg), os o gwbl, fel yr ystyria'n briodol;

d. cymryd camau sy'n ymarferol rhesymol i sicrhau: i. bod rhieni'r holl ddisgyblion ar gofrestr yr ysgol yn cael copi (am ddim) o'r datganiad o leiaf bythefnos cyn y cyfarfod, a

ii. bod copïau o'r datganiad ar gael i'w harchwilio (ar bob adeg resymol ac am ddim) yn yr ysgol yn ystod y pythefnos yn syth cyn y cyfarfod;

e. darparu cyfle i drafod y cynnig mewn cyfarfod sy'n agored i:

i. holl rhieni'r disgyblion sydd ar gofrestr yr ysgol;

ii. pennaeth a holl staff yr ysgol;

iii. aelodau'r corff llywodraethu;

iv. unrhyw un arall y bydd yr ALI am eu gwahodd;

f. ystyried unrhyw sylwadau ysgrifenedig a gyflwynwyd yn unol â pharagraff (b)(iii) ac unrhyw sylwadau a wnaed yn y cyfarfod ar y cynnig cyn pennu a ddylid gwneud unrhyw newid i'r amserau hynny ac (os felly) a ddylid gweithredu'r cynnig gyda neu heb unrhyw addasiad.

Os yw'r ALI yn penderfynu gweithredu'r newid arfaethedig (gyda neu heb addasiad), mae'n rhaid iddo, o leiaf dri mis cyn i unrhyw newid ddod i rym:

- hysbysu'r corff llywodraethu a'r pennaeth o unrhyw newid a phryd y mae'n dod i rym; a

- chymryd camau sy'n ymarferol rhesymol i sicrhau bod rhieni pob disgybl ar gofrestr yr ysgol yn cael eu hysbysu o hynny.

Gall newid i amserau sesiynau ysgol ond dod i rym ar ddechrau blwyddyn ysgol. Bydd trafodion unrhyw gyfarfod a gynhelir o dan y rhan hon o'r rheoliadau o dan reolaeth yr ALI.

Gweithdrefn ar gyfer Newid Amserau Sesiynau Ysgolion gan Gorff Llywodraethu

Mewn achosion o'r fath, mae'n rhaid i'r corff llywodraethu:

a. ymgynghori â'r ALI, y pennaeth a holl staff yr ysgol;

b. paratoi datganiad yn:

i. nodi ei fod yn cynnig newid yr amserau;

ii. nodi'r newid arfaethedig a phryd y mae'n cynnig y dylai ddod i rym;

iii. tynnu sylw at unrhyw sylw ar y cynnig sydd wedi'i gynnwys fel atodiad i'r datganiad drwy rinwedd paragraff

(c) a chynnwys ymateb i'r sylw fel yr ystyria'n briodol, a

iv. rhoi manylion y dyddiad, amser a lle y cynhelir y cyfarfod sy'n ofynnol iddo ei gynnal ac egluro y gall y rhai hynny nad ydynt yn gallu mynychu'r cyfarfod gyflwyno sylwadau ysgrifenedig ar y newid arfaethedig cyn cynnal y cyfarfod;

c. os yw'n ofynnol gan yr ALI, bydd yn rhaid cynnwys y cyfryw sylwadau ysgrifenedig ar y cynnig a wnaed gan yr awdurdod i'r diben hwnnw, fel atodiad i'r datganiad;

d. llunio'r datganiad hwnnw ac unrhyw atodiad mewn iaith neu ieithoedd (yn ogystal â Chymraeg neu Saesneg), os o gwbl, fel yr ystyria'n briodol neu yn ôl cyfarwyddyd yr ALI;

e. cymryd camau sy'n ymarferol rhesymol i sicrhau: i. bod rhieni'r holl ddisgyblion ar gofrestr yr ysgol yn cael copi (am ddim) o'r datganiad ac unrhyw atodiad, o leiaf bythefnos cyn y cyfarfod, a

ii. bod copïau o'r datganiad ac unrhyw atodiad ar gael i'w harchwilio (ar bob adeg resymol ac am ddim) yn yr ysgol yn ystod y pythefnos yn syth cyn y cyfarfod;

f. darparu cyfle i drafod y cynnig mewn cyfarfod sy'n agored i:

i. holl rieni'r disgyblion sydd ar gofrestr yr ysgol;

ii. pennaeth a holl staff yr ysgol; ac

iii. unrhyw un arall y bydd yr Awdurdod Lleol am eu gwahodd;

g. ystyried unrhyw sylwadau ysgrifenedig a gyflwynwyd yn unol â pharagraff (b)(iv) ac unrhyw sylwadau a wnaed yn y cyfarfod ar y cynnig cyn pennu a ddylid gwneud unrhyw newid i'r amserau hynny ac (os felly) a ddylid gweithredu'r cynnig gyda neu heb unrhyw addasiad.

Os yw'r bwrdd llywodraethu yn penderfynu gweithredu'r newid arfaethedig (gyda neu heb addasiad), mae'n rhaid iddo, o leiaf chwe wythnos cyn i unrhyw newid ddod i rym:

- hysbysu'r ALI o unrhyw newid a phryd y mae'n dod i rym; a

- chymryd camau sy'n ymarferol rhesymol i sicrhau bod rhieni pob disgybl ar gofrestr yr ysgol yn cael eu hysbysu o hynny.

Pan fo'r newid yn ymwneud â dechrau neu ddiwedd diwrnod ysgol, ni chaiff y cyfnod y cyfeirir ato ym mharagraff 17 fod yn llai na thri mis.

Gall newid i amserau sesiynau ysgol ond dod i rym:

- lle mae'n effeithio ar ddechrau neu ddiwedd y diwrnod ysgol, ar ddechrau blwyddyn ysgol; ac

- ym mhob achos arall, ar ddechrau'r tymor ysgol.

Bydd trafodion unrhyw gyfarfod a gynhelir o dan y rhan hon o'r rheoliadau o dan reolaeth y corff llywodraethu.

Mae'n rhaid i sesiynau neilltuo digon o amser gwersi i ddarparu cwricwlwm eang a chytbwys sy'n cynnwys y cwricwlwm cenedlaethol ac addysg grefyddol. Mae gan ysgolion y rhyddid i benderfynu ar hyd pob gwers.

Oed	Amser gwersi wythnosol gofynnol a argymhellir (oriau)
5-7	21.0
8-11	23.5
12-16	25.0

Mae'r amser gwersi wythnosol gofynnol a awgrymir yn golygu'r oriau y mae'r disgyblion yn cael eu haddysgu. Mae'r oriau gwersi a argymhellir uchod yn cynnwys addysg grefyddol, ond nid ydynt yn cynnwys y weithred o addoli ar y cyd nac yn cynnwys y cyfnod cofrestru ac egwylliau. Dylid neilltuo digon o amser mewn sesiynau ysgolion ar gyfer yr holl weithgareddau hyn.

2009 Rhif 572 (Cy. 54) ADDYSG, CYMRU - Rheoliadau Newid Amserau Sesiynau Ysgolion (Cymru) 2009

"Mae cwricwlwm cytbwys yn cynorthwyo wrth gyflawni parhad a dilyniant ac wrth hyrwyddo cyrraedd safonau uchel."

'Rheoli Amser Addysgu mewn Ysgolion Cynradd - Estyn'